

十八日。詣禮部驗四川藩司印，交委員翁午芬領回。因總署知會威使未刻來署，陪同諸堂一見。何子峨才奉出使之命，便補授侍講，召對方兩日，又蒙召見。吳江特顯手段如此，吾不可久任仕宦矣。

十九日。約劉云生同詣威妥瑪。傅、林兩參贊，璧、禧兩翻譯同見。歸遇大雨。接志城八月初二日丙字十二號信。左季高一為晉揚移檄湖南，遂使紀綱風俗蕩然不復可問。左君為害亦烈矣。

二十日。具奏王船山先生宜從祀文廟，奉旨交禮部議奏。是日禮部值日，入東華門，至傳心殿小坐。

廿一日。李菊圃、魏賡臣、王鏡涵過談。為嚴伯雅題圖詩二首。其《萬里看山圖》，楊振甫云：滇黔山色蔚名藍，露冕觀風拥筱簪。草檄文章馳絕域，紀行詩卷續升庵。嫺隅豈必工蠻語，金馬真堪佐劇談。回首旧游增感喟，落花时节又江南。吳桐云云：男儿岂肯辕驹促，万里崎岖只等闲。烟水苍茫苕霅外，冈峦层叠蜀秦间。天留粉本归双管，世济弓衣绣百蛮。好是壮游曾五岳，不教青眼更看山。吳平齋云：万点青螺插半空，荡胸奇气挟天风。百蛮烟树啼猿外，千叠云山立马中。不为丹砂羡句漏，欲挥长剑倚崆峒。当年宦迹经行处，储满诗囊纪不穷。 趋庭少日赋南楼，吏治诗名到处留。归棹月明三泖路，拂衣云带七星秋。频年兵革伤吟绪，旧梦关河托卧游。何日买山酬夙愿，侧身天地愧闲鸥。又王孝凤题其《餐花室诗草》云：弦绝难为谱，空怀楚伯牙。避人弹古调，见子在天涯。碧到西堂草，红生东海霞。更看铜剑舞，灵气走黄蛇。 乞鸟同谁听？蛮花不可餐。雷封百里易，风雅一门难。便殿方摘藻谓介弟淄生太史，循陔独采兰。何时假高翮，天路接鹓鸾？

廿二日。禮部加班奏事，入東華門，至傳心殿小坐。米使西

华偕其水师提督任君至总署谒恭邸，诸公并会。适陈俚秋、唐景星、陈瑞南^{桂士}、黄平甫^{达权}并移居总署，相就一谈。又有陈芑卿^{树棠}现在天津，亦约同出洋者。俚秋得人盛矣。而兆民所恃为开办宏远公司局者，亦只在此数君，使人健羨。俚秋荐平甫之子曰黄泳清，在英国学馆多年，然询其笔墨，固远不逮蔡锡勇也。过符五琴运同谈。

廿三日。李果仙、张桂伍邀陪黄恕皆、朱肯甫、梁斗南、张海乔。始记斗南简放湖北学政，竟未一往周旋也。晚过唐斐泉、周荇农谈。寄复合淝伯相一信。

52 廿四日。朱肯甫、许次欧、魏赓臣、黄恕皆、方子箴次第过谈。左季高以吾家事，辱及族人，其事至为悖妄，因为一咨，乞合淝转咨湖南，以咨达左君；并以所著书四种寄存合淝处：一、《礼记郑注质疑》四十九卷；一、《大学章句质疑》一卷；一、《中庸章句质疑》二卷；一、《（郭氏校定家礼本）〔郭氏校定本家礼〕》五卷。

廿五日。宗室中式六名于保和殿复试，赴中左门点名给卷。随往回拜各处，见邓双坡，得一谈。午邀陈俚秋、何子峨、唐景星、黄平甫、陈瑞南、刘云生、许竹簪小叙。竹簪已乞假回籍矣。子峨于洋务竟能通晓，悔从前不甚知也。

廿六日。为黄恕皆、朱肯甫、梁斗南、谭叔裕、瞿子久饯行，恕皆、肯甫、斗南俱不至。乃约吴春海、黄济川、黄翰仙、周桂伍；桂伍复不至。发家信丙字十三号，并寄省城自徐云渠以下公信一函，述悉二十日奏请船山先生从祀文庙一节。外寄意城并寄笙陔叔以下公信一函，述悉晋扬夫妇狂悖妄控一节。又寄黄子寿、张力臣、罗小垣三信。

廿七日。约田清臣、龙朝海、杨次麟、许次欧、黄小鲁、彭